

Broj: 01-07-07/2-14-2-978
Sarajevo, 14.6.2019. godine

Na osnovu člana 22. stav (3) Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, br.:39/14), na preporuku Komisije za nabavku radova po LOT-ovima u toku 2019. godine, Federalni ministar unutrašnjih poslova, **d o n o s i**

O D L U K U

o izboru najpovoljnijeg ponuđača za javnu nabavku radova na preventivnom i interventnom servisiranju kotlovnica u toku 2019. godine putem ponovnog otvorenog postupka za potrebe Federalnog ministarstva unutrašnjih poslova - Federalnog ministarstva unutarnjih poslova

I

Na osnovu odredbi člana 69. stav (1) tačka a) i člana 70. stava (1),(2)i(3) Zakona o javnim nabavkama BiH („Službeni glasnik BiH“, br.39/14), a na osnovu Odluke o pokretanju postupka javne nabavke radova po lotovima u toku 2019. godine putem otvorenog postupka, broj: 01-06-06/3-14-2-477 od 26. 4. 2019. godine i objavljenom Obavještenju o nabavci, broj: 405-1-3-27-3-12/19 od 13. 5. 2019. godine objavljenom na Portalu Agencije za javne nabavke i u „Službenom glasniku BiH“, broj 34/19 od 17. 5. 2019. godine, zaključuje se Okvirni sporazum za nabavku radova na preventivnom i interventnom servisiranju kotlovnica u toku 2019. godine.

II

Okvirni sporazum za nabavku radova na preventivnom i interventnom servisiranju kotlovnica u toku 2019. godine, putem otvorenog postupka zaključuje se sa ponuđačem „ELKOMONT“ d.o.o. Ilidža, koji je dostavio prihvatljivu ponudu sa ukupno 93 boda, u iznosu od 26.760,55 KM (sa popustom i bez PDV-a), odnosno 31.309,84 KM (sa PDV-om).

III

Obavezuje se Sektor za materijalno-finansijske poslove Federalnog ministarstva unutrašnjih poslova da prilikom pripreme za dodjelu okvirnog sporazuma postupa u skladu sa odredbama Zakona o javnim nabavkama BiH („Službeni glasnik BiH“, broj: 39/14).

O b r a z l o ž e n j e

Komisija za provođenje postupka javne nabavke radova na preventivnom i inerventnom servisiranju kotlovnica u toku 2019. godine, za potrebe Federalnog ministarstva unutrašnjih poslova, imenovana Rješenjem ministra, broj: 01-07-07/2-14-2-978 od 27. 9. 2018. godine, putem ponovnog otvorenog postupka broj: 01-06-06/3-14-2-477 od 26. 4. 2019. godine i broja Javne nabavke: 01-06-06/3-14-2-281/67, provela je ponovni otvoreni postupak za nabavku radova.



U skladu sa kriterijima postupka javne nabavke, za dodjelu Okvirnog sporazuma predviđenog u Tenderskoj dokumentaciji, Komisija je utvrdila da su do 7. 6. 2019. godine, kao krajnjeg roka dostave ponuda, pristigla jedna ponuda za nabavku radova na preventivnom i interventnom servisiranju kotlovnica u toku 2019. godine i to:

Redni broj	Naziv ponuđača	LOT	Vrijednost ponude sa popustom i bez PDV - a
1.	„ELKOMONT“ d.o.o.		26.760,55 KM

Pregledom, analizom, razmatranjem i ocjenom ponude, a u skladu sa članom 65. Zakona o javnim nabavkama BiH, Komisija je utvrdila da je:

Ponuda ponuđača „ELKOMONT“ d.o.o. Ilidža, za nabavku radova na preventivnom i interventnom servisiranju kotlovnica u toku 2019. godine sa ponuđenom cijenom u iznosu od 26.760,55 KM sa popustom i bez PDV-a i ukupnom cijenom u iznosu od 31.309,84 KM sa PDV-om, garantskim rokom od 12 mjeseci i da je cijena ponude u okviru procijenjene vrijednosti javne nabavke, te je navedena ponuda dobila 93 boda jer ispunjava sve uslove za kvalifikaciju navedene u Tenderskoj dokumentaciji. Shodno tome, kao jedina prihvatljiva ponuda predstavlja najbolje ocijenjenu i prihvatljivu ponudu za Ugovorni organ, jer je u ovome postupku predviđeno da se okvirni sporazum zaključuje sa jednim ponuđačem, te je odlučeno kao u dispozitivu.

Pouka o pravnom lijeku: Protiv ove odluke dopuštena je žalba koja se podnosi Ugovornom organu u pisanoj formi u roku od 10 dana od dana prijema iste, a u skladu sa članom 99. i 101. stav (1) tačka d) Zakona o javnim nabavkama Bosne i Hercegovine.



Dostaviti:

1. Ponuđač
2. Sektoru za materijalno- finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis
5. a/a

SM/AZ/ZB/EK

FMUP- ODL